

# Suara

muzium kelantan



PERBADANAN MUZIUM NEGERI KELANTAN

Bilangan 6 | Keluaran 2018

Percuma / Free Issues



## WARISAN KEBANGSAAN 2018

*Rolls Royce Silver Wraith*

MS  
04



Sambutan Hari Muzium  
Antarabangsa 2018

MS  
10



Pameran Animasi  
Terbesar di Kelantan

MS  
13



Pertukaran Pengarah  
Muzium Kelantan

MS  
18



<http://www.muzium.kelantan.gov.my>



[www.facebook.com/pages/  
muziumnegerikelantan](https://www.facebook.com/pages/muziumnegerikelantan)



<http://twitter.com/muziumkelantan>



[muzium@kelantan.gov.my](mailto:muzium@kelantan.gov.my)



[http://instagram.com/  
muziumkelantan](http://instagram.com/muziumkelantan)

# SIDANG — REDAKSI

## ▶ PENAUNG

**YB. Mejar (B) Dato' Hj. Md. Anizam bin Ab. Rahman**

Pengerusi Jawatankuasa Perpaduan Masyarakat, Kebudayaan, Warisan dan Pelancongan Negeri Kelantan merangkap Pengerusi Perbadanan Muzium Negeri Kelantan.

## ▶ PENASIHAT

**YABrs. Tn. Hj. Ruslan bin Hj. Hassan Pengarah**  
Perbadanan Muzium Negeri Kelantan

## ▶ KETUA EDITOR

**Wan Jaafar bin Jusoh**

## ▶ EDITOR

**Abustarim bin Yaacob  
Siti Khalisal binti Mohd Sari  
Nurunuha binti Ghazali**

## ▶ GRAFIK

**Mohd Ali Riduan bin Daud**

## ▶ JURU FOTO

**Sabki bin Ibrahim**

## ▶ DITERBITKAN

oleh Unit Pengurusan :-  
**PERBADANAN MUZIUM NEGERI KELANTAN**  
Jalan Hospital, 15000 Kota Bharu, Kelantan.  
No. Tel: 09-748 2266  
Fax: 09-747 3366  
Laman Web: [www.muzium.kelantan.gov.my](http://www.muzium.kelantan.gov.my)



**YB. Mejar (B) Dato' Hj. Md. Anizam bin Ab. Rahman**  
Pengerusi Jawatankuasa Perpaduan Masyarakat, Kebudayaan, Warisan dan Pelancongan Negeri Kelantan merangkap Pengerusi Perbadanan Muzium Negeri Kelantan.



**YABrs. Tn. Hj. Ruslan bin Hj. Hassan Pengarah**  
Perbadanan Muzium Negeri Kelantan



Alhamdulillah, Bertemu kembali dalam edisi ke-enam Suara Muzium bagi tahun 2018. Terlebih dahulu bersyukur saya kehadiran ilahi, kerana dengan limpah kurnianya Suara Muzium ini dapat diterbitkan.

Suara Muzium ini diterbitkan bertujuan untuk membenarkan informasi kepada masyarakat serta semua warga Muzium Negeri Kelantan berkaitan aktiviti-aktiviti yang telah dilaksanakan sepanjang tahun 2018. Kejayaan dalam melaksanakan aktiviti ini kerana dorongan dan sokongan yang padu dari Dato' Pengerusi Perbadanan Muzium Negeri Kelantan YB Dato' Mejar (B) Hj. Md. Anizam bin Ab. Rahman dan hasil kerja kuat Pengarah Muzium Negeri Kelantan YABrs Tn. Hj. Ruslan bin Hj. Hassan serta komitmen yang tinggi dari pegawai dan kakitangan muzium.

Dikesempatan ini, saya ingin merakamkan seinggi-tinggi penghargaan serta ucapan terima kasih kepada semua Editorial Suara Muzium bilangan 6/2018 dan semua yang terlibat dalam menjayakan penerbitan pada kali ini. Saya berharap hubungan kerjasama ini akan terus kekal pada masa akan datang.

**Wan Jaafar bin Jusoh**  
Ketua Editor

# KANDUNGAN

# Suara

muzium kelantan



Suara  
muzium kelantan



## Perisytiharan Warisan Kebangsaan

Jabatan Warisan Negara telah mengenal pasti dua objek milik Perbadanan Muzium Negeri Kelantan mempunyai Signifikansi dan Integriti untuk diisytiharkan sebagai 'objek warisan' dan objek warisan Kebangsaan di bawah Akta Kebangsaan 2005 (Akta 645) yang memberi peruntukkan bagi Pemeliharaan Warisan Negara melalui penyenaaraian butiran yang memenuhi kriteria yang ditetapkan sehingga layak diangkat sebagai Warisan Kebangsaan dan seterusnya disenaraikan dalam Akta Warisan Kebangsaan. Objek tersebut ialah.

- Kereta Rasmi Yang di-Pertuan Agong I hingga Yang di-Pertuan Agong VI (Rolls Royce Silver Wraith).
- Lukisan Kampung Melayu dan Permainan Tradisional.

Majlis Perisytiharan Warisan Kebangsaan 2018 ini telah diadakan di **ARTS HALL, WOW KL RESTAURANT, JALAN AMPANG (MaTIC)** Kuala Lumpur pada 17 Oktober 2018, Surat Perisytiharan telah di sampaikan oleh Datuk Mohamaddin bin Ketapi, Menteri Pelancongan, Seni dan Budaya Malaysia kepada YABrs. Tuan Hj. Ruslan bin Hj. Hassan, Pengarah Perbadanan Muzium Negeri Kelantan.



## Kereta Rasmi Yang di-Pertua Agong I-VI ( Rolls Royce silver Wraith )

Dikeluarkan dalam tahun 1958 dengan kapasiti enjin 4887 kuasa kuda. Kereta ini dibeli oleh Kerajaan Malaysia pada Ogos 1958 untuk kegunaan Duli Yang Maha Mulia Seri Paduka Baginda Yang di-Pertuan Agong Pertama Tuanku Abdul Rahman Ibni Al-Marhum Tuanku Muhammad. Kereta ini terus digunakan sebagai kenderaan rasmi baginda sehinggalah Duli Yang Maha Mulia Seri Paduka Baginda Yang di-Pertuan Agong ke VI iaitu Sultan Yahya Petra Ibni Al-Marhum Sultan Ibrahim (1975-1979).

Pada tahun 1985, kereta ini telah dibeli oleh Perbadanan Muzium Negeri Kelantan dan dibawa balik ke Kelantan dan telah dibawa ke Istana Negeri Kelantan untuk kegunaan Istana. Kereta ini menjadi kegunaan Kebawah Duli Yang Maha Mulia Al-Sultan Kelantan untuk ke majlis-majlis rasmi.



Kini, kereta ini telah tidak digunakan lagi dan ditempatkan di Muzium Kelantan sebagai bahan sejarah Negeri Kelantan dan Malaysia.

## Lukisan Kampung Melayu

Dalam karya ini pelukis melakarkan beberapa bentuk Figura menggambarkan suasana aktiviti lapangan permainan tradisional masyarakat Kelantan. Antaranya congkak, coh, melastik getah, laga ayam, bersilat, persembahan alat muzik kertuk, gendang, rabana ubi, wayang kulit serta persembahan menora dan persembahan makyong. Karya ini sangat penting dalam merekod, mendokumentasi secara visual sejarah permainan dan aktiviti tradisional masyarakat Pantai Timur yang kian dilupakan.

Pelukis : Nik Zainal Abidin b. Nik Saideh  
Tahun : 1981  
Media : Cat Minyak dan Canvas  
Kategori : Seni Halus (Media Campuran)





## Pertandingan & Pameran Seni Khat 2018

Setiap tahun kerajaan Negeri Kelantan dengan kerjasama Majlis Perbandaran Kota Bharu Bandaraya Islam menganjur Program Madinah Ramadhan bertempat di Perkarangan Stadium Sultan Muhammad IV Kota Bharu. Bagi mengisi dan memeriahkan lagi program ini Perbadanan Muzium Negeri Kelantan telah mengadakan satu pertandingan dan Pameran Seni Khat pada 1 Jun 2018. Seramai tiga ratus orang yang terdiri daripada pelajar-pelajar sekolah dan terbuka dewasa dijemput menyertai pertandingan ini dan hasil karya yang memenangi pertandingan dipamerkan diprogram ini.

Majlis perasmian dan penyampaian hadiah telah disempurnakan oleh YB. Mejar (B) Dato' Hj. Md Anizam b. Ab. Rahman Pengerusi Jawatankuasa Perpaduan Masyarakat, Kebudayaan, Warisan dan Pelancongan Negeri Kelantan.

Objektif diadakan pertandingan dan pameran ini ialah bagi memartabatkan tulisan Jawi melalui Penulisan Khat, mempromosikan Penulisan Khat kepada masyarakat dan mencungkil bakat baru dan melahirkan Penulis Khat yang professional.



Pertandingan, penyampaian hadiah dan cenderahai kepada pemenang dan hakim pertandingan.



## Bengkel & Demonstrasi 2018

Sepanjang tahun 2018 pelbagai aktiviti bengkel telah dirancang dan dilaksanakan bersesuaian dengan Muzium sebagai pusat penyebaran ilmu pengetahuan. Antaranya ialah bengkel membuat wau tradisional di Muzium Wau, Pantai Sri Tujoh, Tumpat. Bengkel batik cantting di Muzium Kraftangan dan bengkel lukisan di Balai Seni Lukis Kelantan. Peserta-peserta bengkel terdiri daripada pelajar-pelajar sekolah sekitar Jajahan Kota Bharu, Tumpat dan Pasir Mas serta pelajar daripada Kolej dan Universiti. Objektif bengkel ini diadakan ialah untuk memberi peluang kepada pelajar atau generasi baru bagaimana cara membuat wau tradisional, batik cantting dan teknik-teknik melukis.



Peserta bengkel Wau dari Sunway Universiti, Selangor

Memandangkan sambutan yang menggalakkan dan permintaan daripada pelajar sekolah, bengkel ini akan diteruskan lagi pada tahun 2019. Pada 17 November 2018, Perbadanan Muzium Negeri Kelantan telah menerima jemputan membuat demonstrasi membuat Wau sempena pesta budaya Kelantan - Jepun di Dewan Jubli Perak Kota Bharu.




Bengkel Lukisan



Bengkel Cantting



Demonstrasi Membuat Wau



## Pameran Solo "Colours Of Kelantan" Cakna Palestin

Mahmood Bin Mat@hassan

Perihatin dengan penderitaan rakyat Palestin yang berterusan akibat kekejaman rejim Israel, Pebadanan Muzium Kelantan telah mengambil inisiatif mengadakan pameran khas bagi mengisi tabung cakna Palestin. Pameran bersama dengan pelukis terkenal Encik Mahmood b. Mat ini telah diadakan di Balai Pameran utama Muzium Kelantan selama dua bulan bermula 20 Mac hingga 20 Mei dengan tajuk "Colour of Kelantan" - Cakna Palestin. Lebih daripada seratus buah karya beliau telah dipamerkan. Bertuahnya pameran ini kerana Perbadanan Muzium Negeri Kelantan telah menerima lawatan Imam Besar Masjid Al-Aqsa yang

juga bekas mufti Palestin, Sheikh Dr. Ekrima Saed Sabri pada 17 April 2018

Lahir pada tahun 1949 di Kubang Kerian Kota Bharu. Mula bergiat sebagai pelukis pada tahun 2006. Beliau merupakan ahli kepada Persatuan Seni Lukis Kelantan (PESENI), Gabungan Pelukis SeMalaysia (GAPs) dan Ahli @ Membership Balai Seni Visual Negara (BSVN). Karya-karya beliau banyak memaparkan tema kemasyarakatan dan budaya setempat menggunakan Media Cat air, akrilik dan Cat Minyak. Beliau banyak menerima jemputan pameran Solo Lukisan di merata tempat Malaysia.



Lawatan Imam Besar Masjid Al Aqsa ke Muzium Negeri pada 17 April 2018





## Aktiviti Kelab: Cindai

Bagi mengerat hubungan silaturahmi dikalangan kakitangan Perbadanan Muzium Negeri Kelantan, Kelab Sukan dan Kebajikan Perbadanan Muzium Negeri Kelantan (CINDAI) telah mengadakan Hari Kakitangan Muzium Kelantan 2018, berbentuk lawatan sambil belajar ke Vietnam pada Januari 2018 dan ke Medan Indonesia pada Ogos 2018. Pelbagai program telah diatur bagi mengisi lawatan ini terutamanya lawatan ke tempat-tempat bersejarah di negara berkenaan.

Pasukan bola sepak Kelab Cindai juga telah mengadakan beberapa siri perlawanan persahabatan untuk memupuk semangat kesukanan dikalangan ahli dan menjalin hubungan silaturahmi

antara jabatan-jabatan dan ahli-ahli kelab dan kakitangan keseluruhannya.

Kelab Cindai juga telah dijemput menyertai pertandingan Lumba Perahu Panjang di Pantai NDO Tumpat Kelantan. Sebagai kerja amal, ahli kelab juga telah mengadakan gotong-royong membersihkan Makam Raja Abdullah di Padang Halban Melor Kota Bharu.



Lawatan ke Vietnam



Pasukan bola sepak Cindai



Gotong-royong di Makam Raja Abdullah



Pasukan lumba perahu di Tumpat



# Hari Muzium Antarabangsa Peringkat Kebangsaan 2018



## Jaringan Muzium: "Pendekatan Terkini, Sasaran Baru"

Pada 18 Mei setiap tahun muzium-muzium seluruh Dunia meyambut dan merayakan Hari Muzium Antarabangsa. Di Malaysia Hari Muzium Antarabangsa Peringkat Kebangsaan telah diadakan pada 21 hingga 29 Julai 2018 bertempat di Bandaraya Melaka yang dihoskan oleh Perbadanan Muzium Negeri Melaka (PERZIM).

Pelbagai program melibatkan bukan sahaja warga Muzium, malah masyarakat setempat sepanjang sambutan ini seperti Pameran Hari Muzium Antarabangsa di Perkarangan Memorial Pengisytiharan Kemerdekaan Banda Hillir, seminar Hari Muzium Antarabangsa di Auditorium Seri Negeri Air Keroh, kejohan sukan hari Muzium Antarabangsa di Komplek Sukan Batu Berendam, program bersama komuniti di Hang Tuah Centre Duyung, Museum Run 2018 dan Treasure Hunt Melaka Bandaraya Warisan Dunia.





Kontijen Zon Timur

Pelbagai program melibatkan bukan sahaja warga Muzium, malah masyarakat setempat sepanjang sambutan ini seperti Pameran Hari Muzium Antarabangsa di Perkarangan Memorial Pengisytiharan Kemerdekaan Banda Hilir, seminar Hari Muzium Antarabangsa di Auditorium Seri Negeri Air Keroh, kejohanan sukan hari Muzium Antarabangsa di Komplek Sukan Batu Berendam, program bersama komuniti di Hang Tuah Centre, Duyung, Museum Run 2018 dan Treasure Hunt Melaka Bandaraya Warisan Dunia. Acara kemuncak adalah Perasmian yang juga pelancaran Hari Muzium Antarabangsa sebaga tanda sokongan muzium-muzium kepada sambutan Hari Muzium Antarabangsa Peringkat Kebangsaan dengan tema **"Jaringan Muzium: Pendekatan terkini, sasaran Baru"** (*Hyperconnected Museums: New Approached, New Publics*) Majlis Perasmian telah disempurnakan oleh YB. Datuk Mohammadin bin Ketapi, Menteri Pelancongan Seni dan Budaya Malaysia di Perkarangan Memorial Pengisytiharan Kemerdekaan Banda Hilir. Pada Majlis penutup Hari Muzium Antarabangsa ini telah berlansung Majlis Penyerahan bendera kontijen kepada Muzium Sabah yang secara rasminya Negeri Sabah akan menjadi tuan rumah sambutan Hari Muzium Antarabangsa Peringkat Kebangsaan 2019.



Antara acara sukan sempena Hari Muzium Antarabangsa 2018



## Pameran Kemerdekaan: Tragedi Disember 1941



Sempena meyambut Hari Ulang Tahun Kemerdekaan yang ke-61, Muzium Negeri Kelantan telah mengadakan satu Pameran Khas bertajuk Tragedi Disember 1941 di mana Negeri Kelantan menjadi sasaran pertama tentera Jepun dalam usahanya menakluki Tanah Melayu pada 7/8 Disember 1941. Bahagian pertama pameran ini memuatkan sejarah pendaratan tentera Jepun di pantai Kuala Pak Amat, Penguasaan Jepun ke atas Kelantan dan pentadbiran Jepun. Pameran ini berlansung selama dua bulan bermula 20 Ogos hingga 20 Oktober 2018 bertempat di Balai Pameran Utama Muzium Negeri di Jalan Hospital Kota Bharu.

Sayangi Malaysiaku merupakan Tema sambutan Hari Kemerdekaan tahun ini. Tema ini menunjukkan bahawa bukan mudah untuk mencapai kemerdekaan, selain bagi memastikan semangat bersatu padu serta maufakat terus dicapai demi Negara tercinta.

Pameran yang diadakan ini adalah bertujuan memberi pendedahan dan peringatan kepada masyarakat tentang sejarah Negara supaya mereka mengetahui keperitan generasi terdahulu berjuang menuntut kemerdekaan dan berusaha membangunkan Negara seperti dinikmati hari ini.



Antara pengisian Pameran Kemerdekaan



## Pameran Dunia Animasi

Buat julung kalinya Kelantan dipilih sebagai negeri pertama untuk menganjurkan Pameran Dunia Animasi terbesar di negara ini. Pameran ini telah diadakan di Perbadanan Muzium Negeri Kelantan bermula 1 November hingga 31 Desember 2018. Pameran ini adalah kerjasama antara Perbadanan Muzium Negeri Kelantan dengan Pavilion Planet Sdn. Bhd. yang merupakan program yang dirancang khas sesuai dengan musim cuti persekolahan 2018.

Animasi komputer adalah seni menghasilkan gambar bergerak dengan sendiri melalui penggunaan komputer dan merupakan sebahagian bidang komputer grafik dan Animasi. Animasi semakin banyak dihasilkan melalui grafik komputer 3D

walaupun grafik komputer 2D masih digunakan. Animasi komputer ini diterjemahkan ke dalam bentuk pameran untuk pengunjung khususnya kanak-kanak merasai suasana Dunia Animasi dan boleh berinteraksi dengan maskot-maskot Animasi sepanjang pameran berlangsung.

Pameran Animasi ini menampilkan 30 maskot-maskot Animasi daripada Pavilion Planet Sdn. Bhd. yang mengendalikan persembahan sepanjang pameran ini. Pameran yang berlangsung selama dua bulan ini telah dikunjungi oleh puluhan ribu pelawat dari dalam dan luar Kelantan.



Aktiviti-aktiviti sepanjang Pameran Animasi ( Interaksi pengunjung dengan Dunia Animasi )



## Bermalam Di Muzium 2018

Muzium Wau, Pantai Seri Tujoh, Tumpat, Kelantan

Di Malaysia penganjuran *'Program Bermalam di Muzium'* telah dipolopori oleh Muzium Negara (MN) bermula tahun 2005 bersempena sambutan bulan kemerdekaan Negara. Program tersebut telah mendapat sambutan yang cukup hangat di kalangan peserta sehingga menjadi acara wajib MN saban tahun. Kejayaan penganjuran program ini oleh Muzium Negara telah merintis pelaksanaan program yang seumpamanya di beberapa buah muzium lain di bawah pentadbiran muzium negara malah turut tersebar dan menjadi ikutan muzium-muzium lain di seluruh Negara.

Berdasarkan sambutan menggalakkan yang diterima terhadap penganjuran program ini saban tahun, muzium negara buat julung kalinya telah berjaya melaksanakan *'Program Perdana Bermalam di Muzium'* secara serentak pada tahun 2018 yang melibatkan 22 buah muzium dibawah pentadbirannya sehingga berjaya



Program tazkirah kepada peserta



Bermalam di Muzium Wau

memahat nama dalam Malaysia Books of Records dengan jumlah penyertaan seramai 1573 orang pelajar dari seluruh Negara. Penganjuran seterusnya pada tahun 2017 sekali lagi Berjaya memahat rekod penyertaan terbanyak dalam Malaysia Book of Records "Most Number of Participants Overnight Simultaneously for an Educational Programme at the Museum" untuk program bermalam di Muzium.

Pada tahun 2018, program ini dirancang untuk dilaksanakan di semua Muzium dibawah Muzium Negara, muzium-muzium negeri dan muzium institusi jabatan yang sekaligus akan memperhebatkan peranan muzium khususnya dalam aspek pendidikan Muzium. Apatah lagi, setiap Muzium mempunyai niche yang tersendiri dalam menerokai koleksi, konsep, idea, pendapat dan sebagainya dalam melahir dan menzahirkan pembelajaran.

Sejajar dengan Program 1 Pelajar 1 Muzium (IPIM), program ini dilihat menyokong konsep Muzium sebagai institusi pendidikan tidak formal di Malaysia. Selaku badan induk kepada permuziuman di Malaysia, program ini mampu menjadikan Muzium-Muzium sebagai "role model" dalam menyumbang kepada pemantapan dan pelengkap sistem pendidikan formal Negara ini.



Peserta dari Sek. Men. Bukit Susu bergambar kenangan di hari akhir program



## Majlis Penutup PAMERAN LUKISAN

### Sayangi Malaysiaku

Majlis penutup pameran lukisan bertajuk Sayangi Malaysiaku yang diadakan bersempena sambutan bulan kemerdekaan telah disempurnakan oleh YB. Mejar. (B) Dato' Hj. Md Anizam b. Ab. Rahman Pengerusi Jawatankuasa Perpaduan Masyarakat, Kebudayaan, Warisan dan Pelancongan Negeri Kelantan pada 27 Oktober 2018 bertempat di Balai Seni Lukis Kelantan.

Pameran yang diadakan ini adalah merupakan hasil kerjasama antara Perbadanan Muzium Negeri Kelantan dengan Persatuan Seni Lukis Kelantan (PESENI). Pameran ini berlansung mulai 27 September hingga 27 Oktober 2018. Sebanyak enam puluh buah hasil karya lukisan yang bertemakan Sayangi Malaysiaku dalam pelbagai saiz dan medium telah dipamerkan bagi membangkitkan perasaan cintakan Negara Malaysia melalui seni Lukisan.



penyampalan cenderamata kepada Dato' Pengerusi Muzium



# Cik Siti Wan Kembang

Namamu indah masyhur menerawang ke awan  
Menjadi kenangan zaman berzaman  
Raja wanita yang jelita  
Memelihara Kijang kesayangan  
Terukir pada bendera dan matawang

Tidak pernah berkahwin  
Apa lagi berputera  
Memadai memanjai seorang anak angkat  
Puteri Saadong yang keramat  
Bersuamikan Raja Abdullah  
Bersemayam dan memerintah Mahligai

Cik Siti Wan Kembang  
Puteri Cik Banun anak Seri Nara Diraja  
Bersuamikan Raja Ahmad  
Dapat Puteri Tunggal  
Tanggal 1610

Cik Siti ditabal menjadi Sultan  
Menguasai negeri Ulu Kelantan  
Gunung Cintawangsa baginda bersemayam

Setelah lama bertakhta  
Baginda meyepi diri  
Meninggalkan istana dan rakyat

Bertapa beribadat  
Di Gunung Ayam  
Baginda menghilang

Aduhai Cik Siti  
Kami rindu wajah dan nesanmu  
Tersorot di mana?  
Aduhai!

Perbadanan Muzium Negeri Kelantan  
12 Rabiulawal 1440  
ABHAM T.R



# Berita Staf

## PERTUKARAN PENGARAH



YABrs. En. Mohd Nazwan bin Ismail - Bertukar ke Pejabat Setiausaha Kerajaan berkuatkuasa 28 Jun 2018

YABrs. Tuan Hj. Ruslan bin Hj. Hassan - Melapor diri di muzium pada 1 Julai 2018

## ANUGERAH KHIDMAT CEMERLANG (APC 2018)



Penerima:  
YBrs. En. Zainuddin bin Abdullah



Penerima:  
YBrs. En. Sabki bin Ibrahim

# BUKU TERBITAN

## PERBADANAN MUZIUM NEGERI KELANTAN



*Dapatkan Sekarang!!*

Sebarang pertanyaan dan tempahan sila hubungi:

**PN. RURAIDA BINTI DAUD**  
 PERBADANAN MUZIUM NEGERI KELANTAN,  
 JALAN HOSPITAL, 15000 KOTA BHARU KELANTAN.  
 NO. TEL: 09-748 2266 FAX: 09-748 3366  
 email: muzium@kelantan.gov.my  
 web: www.muzium.kelantan.gov.my

**KELUARAN TERBARU**

**Suara**  
ENGLISH EDITION



KERAJAAN NEGERI KELANTAN



PERBADANAN MUZIUM NEGERI KELANTAN

# MUZIUM-MUZIUM DI BAWAH PERBADANAN MUZIUM NEGERI KELANTAN

*MUSEUMS UNDER KELANTAN STATE MUSEUM CORPORATION*



MUZIUM ADAT ISTADAT DI RAJA KELANTAN  
ROYAL CEREMONIES MUSEUM



MUZIUM DIRAJA (ISTANA BATE)  
THE ROYAL MUSEUM



MUZIUM PERANG (BANK KERAPI)  
WAQF MUSEUM



MUZIUM ISLAM  
ISLAMIC MUSEUM



MUZIUM KRAFTANGAN  
HANDICRAFT MUSEUM



BALAI SENI LUKIS KELANTAN  
KELANTAN ART GALLERY



MUZIUM WAJIB  
WAQF MUSEUM



MUZIUM KUALA KEPAI  
ELUAKA KEPAI MUSEUM



**MUZIUM KITA KHAZANAH KITA**